

գիւտին, թէև չենք կարող մտածել, որ Ե. դարի վերջերում կամ Ջ. դարի սկզբներում տեղի ունեցած չլինի Ս. Լուսաւորչի մասունքների մի յայտնութիւն Հայաստանի յունական բաժնում: այլ կերպ դժուար է բացատրել այն աւանդութիւնը, որ գոյութիւն ունի մեր յիշատակարաններում իբր թէ Ս. Լուսաւորչի նշխարները Ջենոն կայսեր հրամանով բռնութեամբ տարուեցան Բիւզանդիայ, Հայոց թողնելով միայն աջ ձեռքը և մի ուրիշ մասն: Նրամանապէս անբացատրելի կըմնան այն աւանդութիւնները, որոնցից երևում է, թէ Բիւզանդիայից բերուած են Հայաստան Ս. Լուսաւորչի նշխարներն Թ. դարում Աշոտ Ա. թագաւորի ժամանակ: * Այնուամենայնիւ մեզ համար հաւատին այն է, որ Ե. դարում կային Վաղարշապատում և ազա Գուխում Ս. Լուսաւորչի նշխարներ: Թէ ինչպէս էին նորա բերուել այնտեղ, յայտնի չէ. գիտենք միայն, որ Ե. դարում տեղի է ունենում Ս. Լուսաւորչի նշխարների մեծագոյն մասի փոխադրութիւնը Թորդանից Այրարատ Գրիգոր պատրիկ Մամիկոնեանի ձեռքով: Այդ պատմում է Մովսէս Վաղանկատուացին. «Ի ժամանակսն յայնոսիկ, ասում է նա, բերեալ էր իշխանն և մեծ զօրավարն Հայոց ի Թորդանայ ի Գարանաղեաց գաւառէն զպատուական նշխարս սրբոյն

* Կիրակոս Գանձ. 8: